

Hendrick Nicolaus.



HENDRICK NICOLAEVS, T'HVYS DER LIEFDEN.

Dem/ es hatt sich auch zu die selbige zeit einer her fur gethaan/ mit namen Hendrick Nicolaus/ welcher man nennet den Geistreiber/ oder das hauss der Liebe/ der auch in der zahl der andren ist/ halt auch nichts vom kleine khinder tauff/ die zu ihren verstant noch nit khommen seind/ welches sich auß seine Lehr genug last mercken/ also er solches gelehrt vnd getrieben hatt in viele puncten/ vnd in seine meinung den David Georgan sehr gleich/ vnd seine mit gesell/ mit seine Jerusalemische khindern/ in allerley freythumb/ vnd wollust seiner liebe zu leben gelehret hatt. Welches ich alhie auß seine eigene geschrifften vnd buchern beweisen than/ dann in sein vndersehand buchlein/ so er geschrieben an seinen gäten freundt L. W. sagt er also/ dann wahrlich die zeit khumbt/ vnd ist nun fast furhanden/ das in der zeit der läster Basaunen/ die vzteln der böse gewissen/ als nämblich/ finsternuß vnd nit als liecht/ wie lögen/ vnd nit als wahrheit ingesehen/ vnd bekant sollen werden/ vnd die helle/ auch die verdammuß/ so auß das lügenhaftig wesen auffstehet/ werden auch als lügenen/ vnd vergäntlich befunden werden. Dann alle böse dingen hatt Gott nicht gemacht/ darumb ist es alles todt/ vnd lügen/ das er selbst nit thut/ oder gemacht hatt/ etc.

Er sagt also/ das er Hendrick Nicolaus mit Gott vergottet/ vnd Gott mit ihme vermenschet. Er haltt auch das zur letzte zeit alle menschen/ ja auch die Teuffeln selbst sollen sälig sein/ vnd alles was vom Teuffel/ hell/ verdambnuß/ vnd Hellschen feuers geschrieben ist in der heilige geschrifte/ ist nur alles zu ein trawung geschrieben/ vmb das die menschen einen herrlichen Politischen wandel treiben solien. Das ich alhie geschrieben/ hab ich durch erfahrung von seiner Discipulen/ durch ein langwierich gepzrach eigentlich vernumen/ ein gantschen nacht werend/ vnd disputirend/ vnd das in bey sein erliche frumme mennern/ gentslich nicht haltend von die Canonische geschrifte. Vnd dieses weg genummen seinde/ was waffen solt ihr dan brauchen? in das wenig das Gott/ sein ehre/ vnd des menschen ewige saligkeit angehet/ et cetera.



